

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1808926409, 1808942876, 1908955757, 1909107168 և 1909147999 որոշումներն անփոփոխ, իսկ վարչական բողոքն առանց բավարարման թողնելու մասին

<<5>> 03 2019թ. 17-13 19821-19/17-13 1158

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Նորայր Հովհաննիսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Սյունիքի մարզի Գորիս քաղաքի Վանքի Տափ փողոցի 12-րդ շենքի 15-րդ բնակարանի բնակիչ Նորայր Հովհաննիսյանը դիմումով խնդրել է անվավեր ճանաչել Ճանապարհային ոստիկանության վարչական տույժ նշանակելու մասին թիվ 1808926409, 1808942876, 1908955757, 1909107168 և 1909147999 որոշումները՝ նշելով, որ համաձայն չէ որոշումներով արձանագրված իրավախախտումների հետ:

Դիմումի քննարկման արդյունքում պարզվել է, որ դիմումատուին վարչական պատասխանատվության ենթարկելու մասին թիվ 1808926409, 1808942876, 1908955757, 1909107168 և 1909147999 որոշումներն օրինական են, իրավաչափ և դրանք վերանայելու հիմքեր չկան հետևյալ պատճառաբանությամբ.

<< կառավարության Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների և պայմանների ցանկը հաստատելու մասին>> թիվ 955-Ն որոշման 18-րդ կետի համաձայն՝ <<Լուսացույցի կամ կարգավորողի արգելող ազդանշանի դեպքում վարորդը պետք է կանգ առնի <<Կանգ-գիծ>> գծանշման առջև>> նույն որոշման 7-րդ կետի 3-րդ ենթակետի համաձայն՝ **դեղին ազդանշանն արգելում է երթևեկությունը** (բացառությամբ կանոնների 19-րդ կետով նախատեսված դեպքի) **և նախազգուշացնում ազդանշանի առաջիկա փոփոխման մասին:**

Ճանապարհային ոստիկանության վարչական տույժ նշանակելու մասին թիվ 1808926409 որոշումով արձանագրված իրավախախտումն ամրագրած տեսանյութը հստակ ապացուցում է 07.12.2018թ. ժամը՝ 10:25-ին, դիմումատուի կողմից Երևան քաղաքի Մամիկոնյանց-Ազատության խաչմերուկի հատվածում <<Կանգ գիծ>> **գծանշումը լուսացույցի արգելող ազդանշանի ներքո հատելու և երթևեկությունը շարունակելու փաստը:**

Ճանապարհային ոստիկանության վարչական տույժ նշանակելու մասին թիվ 1808942876, 1908955757, 1909107168 և 1909147999 որոշումներին, ապա դրանք ևս օրինական են, իրավաչափ և վերանայելու հիմքեր չկան, քանի որ <<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետության շահագործվող բոլոր արագաչափ սարքերը սահմանված ժամկետում և կարգով ստուգաչափված են:

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հաղվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած **տեսանյութն է կամ լուսանկարը:**

Վիճարկվող որոշումների անհատական ծածկագրերի տակ զետեղված լուսանկարների ուսումնասիրությամբ հստակ է դառնում, որ չի կարող կասկածի տակ դրվել իրավախախտումները

հենց դիմումատուին պատկանող տրանսպորտային միջոցով կատարված լինելու հանգամանքը, քանի որ միայն դիմումատուի տրանսպորտային միջոցն է գտնվում լուսանկարների գնահատման գոտում: Ճիշտ են նշված նաև այն գոտիները, որոնցում գտնվում է դիմումատուի տրանսպորտային միջոցը և ուղղությունը:

Ինչ վերաբերվում է Ճանապարհային ոստիկանության վարչական տույժ նշանակելու մասին թիվ 1808903498 որոշմանը, ապա դա սահմանված կարգով առաքվել է հասցեատիրոջը, սակայն փոստային ծառայության կողմից վերադարձվել է ճանապարհային ոստիկանություն և Վարչական իրավախախտումների վերաբերյալ ՀՀ օրենսգրքի 283-րդ հոդվածի համաձայն 16-01-2019թ.-ին հրապարակվել է Հայաստանի Հանրապետության հրապարակային ծանուցումների պաշտոնական ինտերնետային կայքում՝ (azdarar.am):

Վերը նշված նորմի համաձայն անձը համարվում է պատշաճ ծանուցված որոշումն ինտերնետային կայքում տեղադրելու օրվան հաջորդող 5-րդ օրը, հետևաբար 27.02.2019թ. դիմում ներկայացնելով, Ձեր կողմից բաց է թողնվել Վարչական իրավախախտումների վերաբերյալ ՀՀ օրենսգրքի 288-րդ հոդվածով նախատեսված՝ վերը նշված որոշման դեմ գանգատ տալու 30-օրյա ժամկետը, ուստի դիմումը քննարկման ենթակա չէ:

Այսպիսով, ակնհայտ է դիմումատուի կողմից ճանապարհային երթևեկության կանոնների խախտում թույլ տալու փաստը, ինչի համար Վարչական իրավախախտումների վերաբերյալ ՀՀ օրենսգրքով սահմանված է վարչական պատասխանատվություն:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1808926409, 1808942876, 1908955757, 1909107168 և 1909147999 որոշումները թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Նորայր Հովհաննիսյանին:



Կատարող՝ Ա.Մարգարյան